



Inatsisartunut ilaasortaq  
Malik Berthelsen  
-/maani

**Tupat puuini mianersoqqussutit pillugit § 36, imm. 1 naapertorlugu apeqqummut akissut.**

Inatsisartunut ilaasortap apeqqutaanut siusinnerusukkullu akissummut itisiliinissannut periarfissinneqarninnut qujavunga.

Apeqqut imaappoq:

**1. Nunat allat tupat puuini mianersoqqussutinik assitalinnik atuiffiusuni tamatumma sunniutigisimasaanik ilisimalikkanillu paasiniaannersi sumummita killippa?**

Apeqqut § 36, imm. 1 naapertorlugu akissummut, 2. oktober 2009 ullulernerqarsimasumut innersuussivoq. Tassanilu imatut allassimasoqarpoq:

*"Naalakkersuisut nunanut allanut tupap puuini mianersoqqussutinik assiliartalinik atuiffiusuni tamatumma sunniutigisimasaanik ilisimalikkanillu piniarput, Tupa avatangiiisillu tupatorfiunngitsunik isumannaarineq, kiisalu tupanik nioqqutissat nalunaaqutserneqartarneri pillugit Inatsisartut peqqussutaata nr. 10-p, 14. november 2004-meersup nutarterneqarunnameranut atatillugu."*

Ersarissisimavoq peqqinnissamut ajoqutaasut ataasiakkaat eqqarsaatigalugit tupa pitsaaliuiffigissallugu piukkunnarnerpaasoq, pitsaaliuinermilu suliniutit makku uppersarseqarsimasumik sunniuteqartartut:

- Tupanut immikkut ittumik akileraarutitigut tupanit nioqqutissiat akiinik qaffaanerit.
- Tupat pillugit ussasaarutinik tunisanillu amerlisaaniarluni periutsinik allanik inerteqquteqarneq.
- Cigaritsit puuini tupanillu nioqqutissiani allani sakkortuunik malunnaatilinnillu mianersoqqussutinik atuineq.
- Suliffeqarfanni kikkunnillu tamanit orninneqartartuni pujortarnerup inerteqqutaanerani inatsisiliorneq.
- Siamasissunik paasisitsiniaasamerit ilinniartitsinermullu pilersaarutit.
- Pujortarunnaarsitsiniarluni iliuutsit.

Qulaani suliniutit akuleriissinnerisigut sunniutaasinnaasoq annerpaaq anguneqassaaq.

Qulaani pinaveersaartitsinermut suliniutit arlalissuit pioreerput imaluunniit qanittukkut akuerineqarsimallutik. Matumani taaneqassapput:

- Tupanit nioqqutissiat qaffaseqisumik akileraarusigaapput.
- Tupanit nioqqutissiat nioqqutissiap qanoq peqqinnissamut ulorianartigineranik naqitanngorlugit mianersoqqussutinik nalunaaqutsersugaapput.

24. november 2010  
Suliapnr. 2010-041856  
All.upp. Nr. 512173

Postboks 1160  
Oqa: 34 50 00  
Allak: 32 55 05  
3900 Nuuk  
Email: pn@nanoq.gl  
www.nanoq.gl


- Inuuneritta aallaavigalugu Paarisa makkuninnga suliniutinik aallarnisaasimavoq:
  - Pujortartarneq pillugu tamatumalu peqqissutsimut qanoq akornutaasinnaatigineranut atortussanik paasisitsiniaanernik paasissutisiinernillu nuna tamakkerlugu ingerlatsinerit.
  - Najukkani pujortarunnaarnissamut ilitsersuisussanik ilinniartitsineq.
- Peqqinnissaqarfik nammeneq najukkani inuunerissarfinni ingerlanneqartunik tunaartalimmik piviusunngortitsiniarluni suliniuteqarpoq.
- Pujortarnermik inerteqquteqarneq pillugu Inatsisartut inatsisaat nr. 15, 26. maj 2010-meersoq, 1. oktober 2010-miit atuutilersoq.

Inatsisartut inatsisaata nr. 15-ip, 26. maj 2010-meersup akuersissutigineqarneranut atattillugu annertoqisumik politikikkut tapersersuineq Naalakkersuisut nunannaarutigaat, aammali nalunagu pinaveersaartitsinermut suliniutit sunniuteqartinneruniarlugit annertunerusunik sukaterisoqartariaqarsinnaasoq.

Annertunerusumik sukaterinissamut suliniuteqartoqannginnerani pujortarnermik inerteqquteqarnermik inatsisip atuutileqqammersup sunniutai utaqqimaaqqaarniarlugit Naalakkersuisut aallaqqaammut kissaatigaat.

Tupa avatangiisinillu tupatorfiunngitsunik isumannaarineq, kiisalu tupanik nioqqutissat nalunaaqutserneqartarneri pillugit Inatsisartut peqqussutaata nr. 10-p, 14. november 2004-meersup, § 36, imm. 1-imut akissummi 2. oktober 2009 ullulernerqarsimasumi innersuussutigineqartup iluarsaannissaanut tupanik nioqqutissiat nalunaaqutserneqartarneri, tupallu pillugit ussassaarutit annertunerusumik sukaterneqarnissaat pissusissami-soortutut ilanngunneqassapput.

Inussiarnersumik inuulluaqqusillunga



Agathe Fontain



Nuuk 07. november 2010

Inatsisartut suleriaasiat § 36 immikkoortoq 1 naapertorlugu Naalackersuisunut imaattumik apeqquteqarniarpunga.

**Naalackersuisunut Apeqqut:**

**Nunat allat tupat puuini mianersoqqussutinik assitalinnik atuiffiusuni tamatuma sunniutigisimasaanik ilisimalikkanillu paasiniaaniarnersi sumummita killippa?**

(Inatsisartuni ilaasortaq Malik Berthelsen, Siumut)

**Tungavilersuut:**

Ulloq 2 .oktober 2009 allakkassinni neriorsuivusi tupat puuini assitalersuisarnerup qanoq kinguneqartarneranik nunani assitalersuiffiusuni paasissutissanik piniarniarlusi. Tamannamita sumut killippa?

Nunat ilaatigut ukua tupat puuini assitalersuinernik atugaqartut oqaatigereersinnaavara: Australia, Brasilia, Canada, India Hong Kong, Malaysia, New Zealand, Singapore, Thailand, Venezuela.